## 山庫全幸

史部

欽定四庫全書武林先志卷八

史部

詳校官太僕寺少师臣李廷欽 編修臣程嘉謀覆勘

校對官中書臣吳甸華 總旅官庶吉士臣朱 謄録監生臣張曾秀

鈴

欠近り時人皆う 非籍節命之隆何以宣數休美又况歷切兵發 時間 お神のないというというだっていると 同之 武林梵志 教章明禮樂刑政兼收並 何有王仁無私而編終 吳之鯨 且由泥蟠修升 撰

銀牙口月月書 季 賜 利大多摩於石晉威於吴越王父子 至南宋極矣元 莫由展力則天朝之重夹世不磨者也詳及武林梵 淮桑幾變宜王臺殿歸然獨存豪舉無所施謀駢負 鉊 叛 載千百計而文字翰墨之罷則蔵序偈說號論 讃 莊田賜帑金賜餘金如來像銅迎毘羅神銅深沙 新蝕入皇朝次第重建 其錫卷之大者如創寶刹 金銅羅漢像紫衣玉玦金欄袈裟水晶數珠金梁 賜 額賜碑以及雅白羅扇一字一畫比於亦刀

多名功德院以修一時之威至今著稱鼻祖斯以隆 越 祭賜龍為存為及不減莊嚴七寶志中所載大畧因 天球召對禮遇之罷則命坐賜茶諏訪温諭以及御 矣南宋移鼎自汴龍鳳協祥然自太宗真宗仁宗神 寺以存複舉則斯枝詳列則襞積竊亦有勘見馬子 宗成有物額歌項則契高宗本諸公實能感之高孝 以下皆縁見聞作佛事若理宗為一龍嬪製七十二 擅魚鹽之饒達國都於斤鹵物力充叔金碧耀 氏体見む 射

欽定四庫全書 勑 皇上罷 **覺始無偏無側失成** 叢林各有額録僧司正副督其事容光必照正明等 歐者 俱家異數以及列宗領資金職華寺崎像所 賜瑞蓮觀音大士像一軸上有廣運之實及御製讚 頂 九井十三池何異阿房宫即惟我聖祖普賜天 首 禮 惟我聖母慈以格天感斯嘉兆闕産瑞蓮加大 發諸善心皆列本寺以彰隆遇不復析紀敬録 錫 祖名有行者宿暴脩大典預其 至

Cald of Arting 萬歷二十八年該經藏動物諭抗州府淨慈寺住持及 士像圖寫流傳延國福民霄壤同堅 太平俾四海八方同歸仁慈善教朕成恭已無為之 官壹肅清懺已往愆尤祈無疆毒福民安國泰天下 治道馬各宜仰體知悉飲哉故諭 僧衆人等務要虔深供安朝夕禮誦保安耿躬康泰 天下名山寺院供奉經首護勒己諭其由爾住持及 僧眾人等朕發誠心印造佛大藏經典頒施在京及 武林先志

萬歷十六年皇上賜上天竺寺千佛播二掛大士像 多分四月 台書 軸 武林梵志卷七

**火上り巨 とき 男** 飲定四庫全書 昔世尊以佛法付國王大臣而宰官居士名碩 表著見也武林山水既勝車轍不虚先結翰藻 因 能文章者經濟者無不究心內與販禮香林夙業往 武林梵志卷八 宰官護持 根葉自應非特若房次律蘇子瞻之以夢以 武林先志 明 吳之鯨 撰 殺表 躯工

弘 豆口月 净書 章已先之去有其人不善其事不善而必不能廢者 林 堪 楊髡之鑿石為佛是也然錢武肅宋宰臣已先之矣 廢 頃 可廢者王欽若趙師葬之放生是也然飛泳德生宸 雅樹者盡唐宋以來諸公什且八九列之尺輻 能湮没其光輝則獨佛亦有補數至若一該 自可延之永久西寶成一片石籍有三佛二詩逐 西 仰止而愚當謂前代有其人不善其事善而必不 制勝連社雲棲大師建放生會歷二十餘年不 儘

去賦歸去來解及宋受禪居朱桑門前植五株柳因以 陶潛字淵明一字元亮為彭澤令之官八十日 欠己四車 全書 卷有得便欣然忘食見樹木交陰時鳥變聲亦復欣然 五 柳自號馬聞靜寡言不慕祭利好讀書不求甚解開 **於之賞以證堅猛於求之效如其未備以其來者** 題詠者縣其生平縣括大節并紀禪嘉以供達人家 功要非淺也今即本即名賢及流寓梵宇有交游有 令人於蒼烟緑草之中尚弱龍柳猊法座則護持 . . 林芃志 ep 解 ٤p

謝靈運立之孫家於上虞少好學将覧產籍文章稱 運負才傲世至廬山見遠公肅然心服即寺築臺譯涅 之遂造馬當著搜神記多載佛之靈驗有天目詩 有喜常往來廬山天目間使一門生二兒界以行時遠 多り口 左第一仕宋為永嘉太守襲祖父封爵故世稱康樂靈 智照數極慧明三達非我一提羣生理魔心行道絕形 公為西方之社以書招淵明淵 經三十六卷當與佛讚曰惟此大覺因心則靈垢盡 明日若許我飲即往 . 許

皇 とこりる とする 爏 究竟法當出行見人盗松選退走母問其故對曰畏其 范元琰字伯珪錢塘人少通經史精了佛義以忍辱為 教爾哀老摩元三事翻成一道北山天竺有靈運讀書 口厭苦情多東物志少如彼化城權可得質誘以涅槃 炭初四等終然小住涉求至矣在外旨去緣覺聲 恥故也齊梁間累辟不就 菩薩讚曰若人 仰宗發性遗慮以定養慧和理斯 武林梵志 聞讚

世間 欺 愚 多月四 13 師 褚亮字希明錢塘人博學通圖史陳後主召見賦詩 亦 凡聖同 書云近於華嶽創立僧字此山蘊蓄奇秘控接烟霞 誻 亦 街之為期城太守達磨至魏請 詞人皆 不 不概惡而生嫌亦不觀善而勤措亦不捨智 化導犀有据洛陽伽藍記五卷為梵志之祖 月在書 抛迷而 選起 然名之日 服 其工後仕唐為弘文館學士管與選律 就悟達大道分過量通佛心分出度 祖街之悲喜交并日 師 開示宗古師 願 久 説 石 住 不 倡 ifc 江

欠包口事私野 秀質問干載而挺生時重險以求經履危塗而訪道見 甚 師 褚遂良字登善錢塘人貞觀二十二年太宗宣玄奘法 珍異俗具獲真文婦國飜宣若卷摩之始脱精文與義 釋遠禪居遇踪可擬王珣精舍清塵不味 師等學洞經典學宣真俗仰願俯從微請降迹來儀 金口之新開汎天慈廣遠使布九州蠢蠢點黎俱奏 深語門則難入陛下擁護五乘建立三寶當叔葉而 經流布遂良入奏曰佛教沖玄天人莫測言本則 1 武林梵志

妙 賣品字 間仙范陽人初學浮屠法名無本後舉進士為 多流布梵宇 業討亂獨王為敬業傳檄天下斤武后舉敬業敗獨王 金りで 駱廣王義烏人七歲能賦詩式后朝數上疏言事徐敬 仙之為人豬銅像事息嘗念贾島佛有靈隱寺詩 牀 法臣等億劫難逢不勝欣幸遂良博涉文史工指 竹陰移冷月荷氣帶禪關並非火食語後李洞慕閱 江簿然始終依禪理不廢如寒疏修淨食夜浪動禪 ただだし 隷

七去不知所之或者乃謂敬業反實王被誅謬矣太平 欠日日日 ときり 廣記載之甚詳按記云唐考功員外郎宋之問以事累 輕葉未彫待入天台路看予度石橋僧所贈句乃一 天香雲外飄們雜登塔遠創木取泉遥霜薄花更發冰 點長命燈坐大禪林應聲曰何不云樓觀滄海日 口驚嶺鬱岩毙龍官鏁寂寥第二縣沈吟未就有老僧 點放歸江南遊靈隱寺夜月極明長廊散步因賦詩 江潮之問愕然訝其道麗遂續終篇曰桂子月中落 武林先志 門對

原王也之問詰之答曰當徐敬業之敗與實王俱逃 之警策遲明更訪之則不復見矣寺僧有知者曰此 徧 いス 之不獲將即慮失渠魁畢且不 多云四月在書 賜 遊名山至靈隱以周歲卒 獻 白字太白成紀人唐宗室天寶初至長安往見賀知 知章見其文數曰子商仙才也言於玄宗召見金靈 故敬業得為衡山僧年九十餘乃卒實王亦落髮 食上親為調羹的供奉翰林白害著西方淨土贊 冽 因求類二人者函首 捕

李沙字長源京北人七歲知為文玄宗召見呼為奇童 畫了在眼願托彼道場以此功德海冥祐為津梁八 勤念必往生是故稱極樂珠網珍寶樹天花散香閣圖 與華兩京之復巡之異贊居多初無妻不食肉代宗 竺寺游淨明院詩 使與太子為布衣交後謁肅宗於靈武入議國事出陪 日向西日没處選瞻大悲顏目淨四海水身光紫金山 一劫舉如風掃輕霜底觀無量毒長願王毫光有游天

火之四事 全書

武林梵志

瓒 相 夜 金りひ 問 詺 而 食肉娶妻德宗朝進禮 異之沙開杭州六井 瓚合涕垂膺凝然端坐不以介意使 復請曰終無一言見教乎 道 後悦豫知其為謫墮之人不久将去候之良久甸 禪師居南嶽人號懶殘必往謁之聞其經聲先悲 至是必用事為帝言其髙行招徵之使者至石窟宣 師曰碎却筆硯方可談此撥火出并食之沙至中 1111 利賴無窮今祠孤山 部尚書同平章事封都 師撫其背日 回以聞德宗益 頠 取十年宰 侯 볘 愴 匐

約 序 平 マ・ラー! 問 楊綰每見國一禪師而數曰此方外萬士也崔趙公當 去 **虞允文参政李泌見靈隱道祖首座一** 弟子出家得否師曰出家是大丈夫事宣将 亞至其所連 呼祖首座遂開 復有僧問口坐死到來如何迴避祖即此然而去園 趙歎賞其言一時名公如孝泌徐浩第五琦陳少 煔 袓 點頭便行此真坐脱立七者於是嘉嘆久之各 1.4.5 1 武林梵志 眼園悟抖撒精神透 日為尿入室 Ł 相 所 有 能

孟簡與僧標為塵外交有杭之標摩雲霄之句 多元四年 全書 等凡三十二人皆稱門人問道以求決擇也 於鳥寒禪師見師棲止巢上乃問曰師住處甚險師 晚年好佛持甚至經月不如軍長慶二年知杭州 所 無 白居易字樂天年十七登進士憲宗朝極被罷遇時事 劉禹錫為靈徹撰序後人稱之曰越之微洞冰雪 店 不言為當路所忌遂擴斥不得施乃放意文酒東都 疏 沼 種樹架石樓看上鑿八卸難自號醉吟先生 問 曰 诮

惟寬禪師何以修心師云心本無損傷云何要修理無 太守危險尤甚日弟子位鎮江山何險之有師日心 とこりう 乎 論 相交識性不停得非險乎居易服其言作禮而退當問 其觀偈曰以心中 為翳樂天從此悟入又語心要於凝禪師得八言廣為 傷八言者 日觀日覺日定日慧日 師 垢與淨 口如人眼睛上一物不可住金屑雖珍質在眼亦 Links 1 切勿念起又問垢 眼觀心外相從 武林梵志 Εþ 何 不 痂 明日通日齊日 可念淨亦無念可 有從 何而喪 捨

之又觀 林 稱為三珠樹勃當探釋迦畫像記維摩畫像碑如來成 既非真悲亦是假是故衆生實無度者年七十五贈尚 道 朝 £ 万四四百百書 散即 勃字子安龍門人六歲善文詞麟德初對策高節授 左僕射宣宗以詩吊之既卒以其所居施為佛寺武 祠 記皆精金美玉豐瞻周詳武林有詩 孤山有慈嚴院報恩寺珍泉詩 則辨真妄未後捨偈曰衆告既濟大悲亦捨 數獻策闕下兄 動動皆第進士有才名林易簡 岩

尺三0豆 錢鏐杭州臨安人生有異瑞膂力絕人有保障兩浙之 繁但午橋莊松雲扇未成輕碧池繡尾魚未長漢書 居易劉禹錫文酒相數不問戶外事當訪道於徑山道 討 裴度字中立聞喜人貞元初進士界官中書侍郎督 志唐僖宗元改三年黄巢李克用作亂屠戮萬姓公起 欽禪師執弟子禮求出世法臨卒謂門人曰吾死無所 平准察封晉國公因閱官煽虐退歸集賢里日 為可恨耳 7 Cmt 7 武林梵志 與白

與五代 翻片 夙郭云 杭 輕 E 計皆錢氏椒建盖事數百年山海賦税之饒而重民 活數億萬人射潮建都武林實其真字歷四世五王 州 孫奕世彌茂而大江東西鹿苑寶坊暈飛雲湧以千 四月月音 捨 刺史尋進為鎮海節度使封吳越國王所向無前 野畬挺一呼誅滅董昌吴越安堵屡建大功立為 相終始及孫俶以國歸宋祖仍舊封連姻帝 別歸總壹意慈護世代守此不變亦於佛旨 有

灰足四車全書 四 封展禮之申公之子公著亦封申國公元日發天衣懷 者 悉 對帝曰僧中有若人即賜紫袍加號以旌之於是恩俸 祀 吕蒙正字聖功太宗時舉進士第一累官参知政事封 許國公少時寄食僧房得以安意書史後執政十年郊 願勿生我家顧子孫世世食禄護持佛法從子夷簡 國公每遇元日拜家廟後即焚香發廣慧理公書 推之寺僧以酬夙德公曾晨與禮佛祝曰不信三寶 俸給皆不請帝問其故對以私恩未報帝話之以實 武林梵志

曾 几 法 格 師 王旦字子明累官工部尚書同平章事贈魏國公諡文 グロ 日發佛照禪 其物暴然破散無復蔽礙而心泰然武林有題 雄健學者宗之諡曰文所著文集一 億字大年浦城人界官翰林學士性鯁介尚名 俱居淨慈徑山音問時不絕云 師書左丞好問元日發圓照禪 Ó 調少時稅於仕進常若有物礙於胸中及學釋氏 たんだし 師書其家世崇信如此圓 卷八 師 書左丞之子用 百九十四卷公 照佛照两 詠 飹 禪 丈

(20) 0 10 Mily 18 淨行品序曰余當布髮以承其足刻身以請其法猶尚 势生願來世為僧宴坐林間觀心為樂常與昭慶省常 士大夫預會者百二十人旦為之首而翰林蘇易簡作 正天禧元年九月旦先先一日屬翰林楊億曰吾深厭 饑時轉運使移府發常平倉米計口日給隨不聽曰民 王隨字子正河南人天聖初自潤州徒知江寧府歲大 不辭況陋丈淺學而有惜哉 聊 游因即刺血寫華嚴經淨行品結淨行社於西湖 武林梵志 土

餓由兼并閉雜以邀高價耳乃大出官栗私價遂平民 多定四库全書 鎮鐵塘往與教寺謁小壽禪師未及寺去騙從獨步登 之全活者以萬計居嘗慕裴休之為人以御史中丞出 毒前趨立於松下王公望見出與握其手曰何不如前 随姓王即拜之毒推蒲團籍地而坐語笑終日而去門 **寝室壽方負暄毳衣自若忽見之問日官人何姓公曰** 細 人見壽讓之口彼王臣來奈何不為禮此一衆所係非 事也寺难难他日王公復至寺泉横撞大鐘出迎西

趙 Cando une line 堂燈已滅彈指向谁說去住本尋常春風掃残雪 法與楊大年皆號參禪有得者先是大年編次傅燈録 龜一鶴白隨後以龜故汗水有龜放長准不再來之句 三十卷公去其蘇為十五卷名玉英集臨終書偈曰書 E 得奈知事瞋何公機語界合自是履政益深竟明大 抃字閱道氣宇清逸人不見其喜愠自號知非子宋 相見而遽為此禮數即壽顧左右且行且言曰中 和中為侍御彈劾不避貴戚號鐵面御史居當以 武林梵志

意 重九禪師問心要師曰公立朝論政崇化明倫奚暇 公帥 隱 不 公在杭從淨慈圓照本禪師游有省又從大名大鉢寺 戶四 能 於此公曰聞 源 几公堂開雷聲豁然大省有傷曰點坐公堂虛隱几 Яþ 越適九旱大変久禱不應時神智昇法師 不 師 戽全書 動港 顧完明之師乃令看狗子無佛性語及知青州 迎觀音像入府治懸禱一夕雨 如水一聲霹靂頂門開喚起從前自家底 別傳之古人人本有之事豈他能 如霆疫亦息公 住與福 而非 刻

程 (とこうう 见 趺 **乢見其形色異常問後事公属聲叱之少項語** 何各清夜安眠白畫問元豐間忽一 老退居衛州常與山僧野老游名所居為髙森以詩自 風 坐而化法泉禪 曰 於朝賜師所住與福口圓通錫號 軒 間金栗去天上玉樓成慧劍無纖 穀水路抓月破雲明壽七十七益清獻游武林 夘 長溪溪外山捲簾空曠水雲間高齊有問 師以偈赞曰仕也 武林梵志 邦為瑞歸於世作 E) 日神智元豊初 徧 缺冰壺徹底清 辭親友其子 土 如平 如

弘江四月在書 歐陽修字永叔盧陵人仁宗朝為諫官論事切直後拜 去天竺空山鬼哭天竺師歸道場光輝 雷奉慧才法師最好有贈言又赞天竺辯才法師 不學勞師空數關吾方仁義急君且水雲開後守亳社 洛 有 許昌齡來遊太清宫公邀至州舍與語忽然有 師 中時遊萬山却僕更故意而往至一寺修竹滿 政事矢心匡弼與韓琦策立英宗熙寧初以太子 致仕諡文忠公始不信佛如酬淨照詩云佛說吾 曰 悟 師 肜

九足四草公島 一 普與法遠禪師遊一日與客對实遠坐其旁公請因棋 心點坐今老兵往近寺借華嚴經讀至八卷安坐而薨 臨終安得定慧公大數服後居顏州捐酒肉徹聲色灰 道致之曰定慧力耳又問今乃寂寥無有何哉老僧笑 日法華公云古之高僧臨死生之際類皆談笑脱去何 說法遠口此事與兩家著棋相似贏局輸籌即不 日古人念念在定慧臨終安得散亂今人念念在散亂 鮮美公休於殿陛傍有老僧閱經自若公問誦何 武林梵志

州 道 1 軱 座 否 念之誤遂至於此公未之信後見婢問曰曾讀法華 5 人莫測 言不妄知杭州與参察子交昇名所居泉為六一 因語之僧云此女前身當為尼誦法華經三十 婢曰某失身於此所不暇也公命取是經示之一 時 黑白未分時一著落在什麼處文忠大有省將 ľ 如素熟者易以 有好盧媚兒姿貌端秀口中當作蓮花香散越滿 Ţ ノニード 其由適有一僧自蜀中來頗能洞人生前 他 經則不 能也公於是始信修種 纤 居 野 事 頳

稱 有書曰 縁傳得老師心東南漫說江山遠目對靈光與妙音仍 仕居洛陽 州 くこりう 接境因里人張比部景山請得關即下訪相 為富文封鄭國公益文忠公熙寧三年以使相鎮亮 迎至頡州華嚴禪院證悟禪師修顧語决心法及致 鄭公弼字彦國湖南人慶歷中與文彦博並相天下 **陋雖久開盛德而無由瞻謁昨幸出守亳州社與顏** 弼留心祖道為日己久常恨不遇明眼人開發 1. 1. I 以頌寄圓照本禪 武林梵志、 師曰曾見颗師悟入深 五 因

A. 動是四库在書 來宗派甚的必須成就更望垂慈攝受遠賜接引未 月 E. 入昔古靈師所 令至則 歸 矣天幸 天幸 弼雖得法於颙 師然本源由老和尚 以慈悲方便之力今有悟處會結夏通日四月初 仲淹字希文皇祐元年自 颜其於指磨淘汰殊大有功但衰病相仍昏鈍難 為南嶽下雕蘊百丈下裴休也 部侍郎二年吴中大餓殍殣相望仲淹發果 謂 不 期臨老得聞極則事見之於獨 知鄰州移 知杭州十二 月 和 ロロ

足已日日 心言 **募民存的為術甚備吳中喜競渡日出宴湖上自春** 與造傷耗民力公乃自條似所以宴游及與造皆欲發 夏居民空卷出游又諭諸寺主守曰儀歲工價至賤 惟杭州宴然民不流徙梵刹多其開建有法喜寺詩 EJ 有餘之財以惠貧者貿易飲食工技服力之人仰食於 役千夫監司奏劾杭州不恤荒政嬉游不即及 大與土木之役於是諸寺工作鼎與又新倉嚴吏舍 私者日無慮數萬人荒政之施莫此為大是歲兩 武林梵志 さ 可

蔡襄宇君謨興化軍仙遊人治平二年以端明殿學士 當作介亭於鳳凰山 祖無擇治平四年以諫議大夫加龍圖閣學士知杭州 尚書禮部侍郎知杭州為政精明吏不能欺游淨慈指 多分匹屋 上 司馬光字君實夏縣人寶元初進士界官端明殿學士 僕 遊記數十字於琴臺之左壁有吉祥寺詩海會寺記 疏極言青苗法不便退居洛十五年哲宗初立名 射龍青苗法人謂公元祐相業有旋乾轉坤之功 有電 拜

CANDID LIAMS 成是名阿鼻獄其二曰顏回安随巷盆軻養浩然富貴 言而解之其一日忿怒如烈火利欲如銛鋒終朝長戚 卒贈太師封温國公諡文正生平著述甚多曾作解禪 人之正路行之誠且久是名光明藏其六日道義修 如浮雲是名極樂國其三日孝弟通神明忠信行蠻智 六偈謂世之談禪者好為隐語以相迷逐廣文中子之 下法久人不可掩是名不壞身其五口仁人之安宅義 作善降百祥是名作因果其四曰言為百世師行為天 武林梵志

戲 動玩四庫在書 禪 隷 相 鋤 I. 安 之日賊子悟已久景仁今復迷又云到岸何須稅 宇家人卦中庸樂記二篇編於 以 不 功德被萬物為賢為大聖是名佛菩薩因蜀公論空 師 詩戲之曰不須天女散已解 石字介甫神宗朝 用金浮雲任水往 心氣不正何不坐禪體此大事公從之一日 坐間談論品藻古今師 拜 明月 相封荆 在天心當游 曰 相 石 國公一日 動禪心蜀公不納 公口氣逼人恐著述 壁 南屏山手書 訪將山元 謂 揮 復 師

志不純則心未平以未平之心持經世之志何時能一 意肯元不答公益叩之元曰公於般若有障者三其近 脱髮甘澹薄如頭陀此為近道當以教乘滋茂之可也 念萬年哉又多怒則與物多競此其三也特視名利如 剛大器遭世縁深必以身任天下之重懷經世之志用 道一耳公日願聞其說元曰公受氣剛大於世緣深以 夜坐間得之師呵呵大笑公讀書定林常問元公祖 日坐禪實不虧人子數年欲作胡笳十八拍未就忽於 師

阪定四車全書 ·

人林花志

事退上口佛法於中國有補乎公曰君子小人皆知畏 蘇軾字子瞻因宿東林與照覺論無情話有省獻 後請以宅為寺因號半山有法喜寺詩悟真院詩 而為善豈小補哉公居金陵由將山至其故宅當半道 訪密殊琴聰參寥辨才諸禪侣題詩遍武林以至外縣 他 溪聲便是廣長舌山色豈非清淨身夜來八萬四千偈 公再拜後於首楞嚴得古熙寧八年公復入相一 日如何舉似人謫居杭州當将公事了湖中或一 日奏 倡 日

蘇轍字子由號顏獨又號藥城累官翰林學士門下 毘陵時錢濟明侍傍口公平生學佛此日如何公日此 更須著力公應聲曰著力便差語絕而逝 世之利龍井先天以公為如監孤山祠并都俱香山與 幽 一軸口此吾往西方公據也公於建中元年七月卒於 公為四今建專祠於寶成寺公每出入必攜阿彌陀佛 亦不受又徑山琳禅師問疾云學士生平践履至此 僻最深處亦無不到濟湖度僧俱敢荒善策遂為萬

人二日日 八十丁四

武林花志

城寺熟視公口君靜而慧苟留心宗門何患不成此道 郎 多玩口 言下大悟作假呈口中年聞道覺前非避追相逢老順 之肯又當咨心法於洪州順 圆照未當以道語人吾今亦無以語子公於是得言外 居毒聖公以此事往問題不答公又叩之題徐徐謂曰 公識之因習坐數求決於全無昇後忽有省應禪師來 **諡文定元豐三年公以皋謫髙安會黃檗全禪師 搞鼻徑參真面目掉頭不受别針 鎚枯藤破衲公何** 月在書 禅 師順示以搖鼻因緣公

夢朝來壽年兒孫奉憂患己空無復痛心不動此間 聖 事白酒青鹽我是誰慚愧東軒殘月上一杯甘露滑 否更無 曰麓沙印佛佛欣受怪石供僧僧不嫌空手遠來還要 的常自號東軒長老佛印住金山子由謁見先以偈獻 有千的重蚤歲文章供世用中年禪味疑天縱石塔成 聚頭看此般供養能飲享木馬泥牛亦喜歡門人有 漁家傲祝生日及齊川者乃廢和之七十餘年真一 物可增添印答口空手持來放下難三賢十 自

欠足刀軍 在馬

武林梵志

壁蘭岩師道為記公詩文一代冠冕晚年志在西方寄 俞薦於朝授徐州教授元符三年脩少林道楊成曰面 智果寺参察詩口平生西方願擺落區中縁惟於世外 老居士 気口屋石書 兹事赖有西方托後軌他年佛會見頭陀知是當年 師道字無己號后山彭城人元祐中蘇軾孫覺傅堯 相從可忘年又寄孤山圓 縫錐與共人間天上随他送 悟動禪師詩曰稍尋東刹

婆三五少年時 欠三日日 為 大通愠形於色公乃作南歌子一首令故歌之大通亦 寺蘇長公在鐵塘無日不遊西湖當攜妓謁大通禪 何 曲 宗 溪女方偷眼山僧已皺眉莫嫌彌勒下生遲不見老 誰 倂 殊名揮姓張氏安州進士後棄家為僧住吴山寶 風嗣 頤公曰我已今日勘 紅爐片雪上餅 CITY IN 阿 推借 仲 君拍 殊開而和之日解舞清平樂而今説 槌 武林梵志 打就金毛獅子也堪矣 板與甜槌我也逢場作戲莫 破老禪矣其詞云師唱 誰家 師 相

新得獻之筆意蘇子瞻自海外歸當與九章書云**顏外** 米芾字元章具人號海嶽外史由臨光尉界官禮部員 如夢何知眼共眉蟠桃因甚結花遲不向風前一笑待 金月四月百書 何時黃治翁一見大賞 外 氣清雅絕俗之文超妙入神之字何時見之以洗我積 八年 即带為文奇殿不割前人一語特妙於翰墨沉著飛 瘴毒即及得實月卷賦琅然一誦云恨二十年相從 親友曠絕亦未當關念但念吾元章邁往凌雲之

南棺 與字今俱不存惟龍井方圓卷碑記尚在後知准陽軍 像腾實飲映奪日燈法真 豐初慧才律師授菩薩戒於南屏之雷奉方羯磨觀音 帝宸碧落之遊異時相見乃知也其高自標置如此元 **飲定四車全書** 未卒前一月作親友别書盡焚其所好書畫奇物造香 石寺中公於幽居洞之左嚴復磨睚書琴臺二字情碑 知元章不盡元章答云更有知不盡處修楊許之業為 即其中坐卧飲食書判前七日不茹軍更衣沐浴 · 大村志 撰 發 我 記 命公手書勒 主

焚香清坐而已及期編邀即僚舉拂示衆曰衆香國中 來衆香國中去擲拂合掌而逝 禪 為 陳雅字瑩中號了翁又號華嚴居士南劍州沙縣人當 心意識而参絕却里凡路而學然後可也公乃開悟寄 師 司諫諡忠肅公立朝骨鯁有古人風烈當謁靈源清 倡曰書堂几坐萬機休日暖風柔草木幽誰識二干 師 遠事如今只在眼睛頭其赞永明專禪師像曰宋之 執聞見以求解會師日執解 何宗何日偶詣離却

たこうう 菩提梵語九字華言只一覺字耳中庸誠字即此字也 立者獨此九字其一其物是一以貫之之一非一二三 四之一也是不誠無物之物非萬物散殊之物也年過 此 佛法之要不在文字而亦不離於文字不在多讀只金 五十宜當留意勿復因循與日用事百不相妨獨在心 興也錢氏重民輕土捨别歸總用師之勸諭也公當曰 經於一切有名有相有覺有見皆掃為虚妄其所建 經一卷足矣此經要處只九箇字阿耨多羅三貌三 Li Luin : 武林梵志 Ī

**覺見其堂具簾幞羅綺爛盈粉黛環列謾日丞相富貴** 史浩鄞人也初浩與覺長老善問覺曰和尚與我孰好 多足四庫 全書 盡廢終當墮落泥淖一日治坐應上儼然見覺突入堂 好老僧何敢比也既自省曰此念一差積成滿團工夫 不忘耳但日讀一過讀之千遍其古自明早知則早 力 也 使人往寺康之則報覺死矣茶頃治後院弄璋浩點 知為覺也遂以覺為小名及長名之日彌遠浩有妙

行寺詩 宿晚從天衣懷禪師游懷每引羅居士機語令研究深 楊傑字次公元祐中為侍郎自號無為子嘗歷參諸名 重不生娑婆念不一不生極樂凡里一體機感相通諸 造後奉祠泰山一日開鷄鳴覩日出如盤湧忽大悟 居以淨土自信繪丈六阿彌陀佛隨身觀念當曰愛不 てこうき 心内衆生塵塵極樂衆生心中淨土念念彌陀若自 已靈是谁之谷又曾與僧談道云大儿學道之人 /: duity | 198 武林梵志

若是拋離起去暖氣不接不成種子如今萬境森羅六 若犯人苗稼擿鼻拽回如今變成露地白牛躶躶地放 易戶四屆在書 照带的道理洗菜作務之時不可便無知也如鷄抱卵 他不肯去諸人長須着精米不可說禪道之時便有箇 二時中曾須照顧不見南泉道三十年看一 秦觀字少游一字太虚少豪為強志越氣好大而見奇 煩動略失照顧便致喪身失命不是小事 初以薦起累遷國史編修官坐蘇較黨謫監青田 頭水牯牛

記記可以 夢中之作有飛雲當面化龍蛇大橋轉空碧醉卧古藤 及九倒告是西卷今為法寶又建隆和尚銘曰大因縁 陰下了不知南北則公之去來可謂逍遥無礙矣曾作 柳州已徒横州雷州藤州徽宗朝自藤州石還出遊華 光寺為客道夢中長短句索水欲飲水至笑視之而卒 五百維漢記歷落如畫有法質長老赞曰欲老不老八 税曾寓僧寺中有詩云市區收罷魚豚税來與彌陀 一龍忌者執詩以刻復以謁告寫佛書為辜削秩徒 As Auto Mary 武林梵志 直

請 黄庭堅字魯直號山谷蘇子瞻見其詩文數其獨立萬 崇毒教寺有詩 其他禪語一一勝妙在武林與龍井辨才師交洽有記 物之表舉進士為著作郎紹聖問為章惇蔡京所嫉謫 E) 5四月 全書 開木犀香乎日開晦堂口吾無隱乎爾公欣然領鮮 公詮釋累言俱不當意時暑退凉生秋香滿院晦堂 华 別駕當奏黃龍卷晦堂語次舉孔子吾無隐手爾 結 助坐带刀眼汝鼻孔未撩天呼我作無事 襌

**教主四年全書** 盡未來世不復食肉願我以此盡未來際根塵清淨具 佛 告樂此八風於四威儀中未當相離雖古之元聖大智 在點時止酒絕您讀大藏經三年當日利泉毀譽稱 足十忍不由他教入一切智隨順如來於無盡衆生中 有爱飲酒食肉增長愛渴八都見林不得解脱今者對 現行佛事稽首如來等一痛切當答胡逸老書云君遂 有立於八風之外者乎公有發願文曰我從昔來因癡 發大誓願願從今日盡未來世不復飲酒願從今日 武林花志

胞禪師海會演禪師道行高重皆可親近若從文章之 於生死之際則世界自輕但未直下檢塵見已耳投子 翁云思公躬悼守道不渝蓋古人所難也然已知求道 已是何道理既為大丈夫須辦大丈夫事耳又與周才 歸心於禪悅何慰如之可試看楊嚴圓覺二經反觀自 **士學妄言綺語只增無明種子也** 政事論文敏有草堂集一百卷公浮遊塵外心醉祖 那字漢老濟州任城人崇寧中官翰林學士後拜參

却 逆 道 何量又書口比蒙海答備悉深古那自殿者三一事無 如衣壞絮行草棘中適自纏擾今一笑損釋所疑欣幸 破趙州關特地尋言語取問既是打破趙州關為甚麼 有省入顧惟根識暗鈍平生學解盡落情見一取 微三古人公案舊所完然時復暫地非大宗匠委曲 順隨緣即應不留胸中二宿習濃厚不加排遣自爾 特地尋言語後以書咨決曰近扣籌室伏家激發忽 有年聞大急示眾語曰庭前相樹子今日重新舉打

22105 7.h.

武林梵志

主

垂慈何以致此大慧杲禪師時卓楊徑山 嗣皆致書問大慧禪要慧答書曰干疑萬疑只是一 衣 文清居仁性清 何 話 好四月 全書 本中字居仁宣和中為極察院編修官兼侍講卒盆 飒 自是有省每以前路資糧為念當有詩云病知前 袓 上疑破則干疑萬疑一時破若一向問人佛語 語人如何諸方老宿語又如何永劫無語時也居 派圖推山谷為詩祖列陳無己等二十五人為法 *¥*.j レス 躭 糂 禪而病难难不勝衣作江西傳 如

樹 袧 有 考其修為定知相載而去矣又當曰予病不能疏食惟 資 和氣充其腹處人院腥糟林盤眩紅緑四方采珍異亦 一惜韭落養晉侯睥睨熊踏熟以此為重輕與君未為 頭老耳肥如肉亦 五味爽口之責作詩自戒君不如屈大夫夕餐但 極所 糧少老覺平生事業非紹聖丙寅夏六月 趺坐而 如 彼 顏平原米盡且食粥雖知舌本欠滋味頗覺 何如野僧飯菜羹下脱栗竹間新筍大 不見蟹躁擾亦不見牛散練石郎 如椽 秋

てこうら

武林梵志

思 張商英字天覺號無盡居士童兒日記萬言趙於薦之 多定四月分書 宿 稄 經信手開視有云此病非地大亦不 久旱大雨御書商霖二字賜之公初不信 名赴關袖草茅憂國書以進<del>徽</del>宗朝拜 與漢老俱徑山第子 一意解何曾至大安樂境界公憤然就楊屢起夜將 機緣惟疑德山托外話 漕江西見兜率悦禪師 相與夜話公口比看傳燈尊 悦曰若疑此話其餘即是心 離地大條然會心 相是夕慧星滅 佛後見维

とこうう かき 得三年活莫是遭他授記來悅於是焚香付獨口等閒 得贼了也悦曰贼在何處公擬議悦曰都運且寝翌日 月黎明公卒口占遺表命弟子書之仍作偈曰幻質 不犯工夫未幾悦入滅公奏論號真寂宣和四年十 殊臨機不礙應物無拘翻身魔界轉覺迷途了無逆順 行處步步皆如雖居聲色寧滞有無一心靡異萬法非 公投仍回皷寂鐘沉托鉢回嚴頭一拶語如雷果然只 不覺踢翻獨器忽大有省發即扣悦門謂悅曰已捉 武林梵志

章 多定四库全書 得之披閱再三獨有疑馬是書為大乘人作有破為中 學遣兵入援解太原圍建元中以宣撫司制置裹鄧招 海無消息會留詩妙行寺 諭桑仲等來降以寧當過雪峰問道於真歌禪師日予 王以寧相潭人由太學任鼎遭即靖康初金兵入起以 法不留之書也而末章以繫念獨陀往生淨土為言 訪宏智大師師今讀起信論詢官天台時於鄰僧借 温生温減能人識撞破虚空歸去來鐵牛

欠足の事を持 一 物上轉得疾一切立在下風復示以偈曰收光攝彩信 法子欲壞世間相棄有歸空然後為道那以寧點然真 倂 **園悟勤禪師師日嚴頭云却物為上逐物為下若能於** 張浚字徳遠宣公南軒之父也髙宗時界官右僕射兼 歇時居皇亭崇先寺 知 其古何與歇口實際理地不受一塵 萬行門中不拾 樞密院事始終不主和議為秦衛所嫉所著有五經 及雜說文集孝宗朝封魏國公益忠獻公曾問道於 武林兄志

迷浮雲散盡青天在日出東方夜落西公之母秦國夫 盡誠供奉以慰泰國之願云有妙行寺詩 復見也我有私恩未報時大慧居宜春公三走介趣之 通津公伙腐投偈曰教外單傳佛祖機本來無悟亦無 多为口用人言 天真事事圓成物物新內若有心還有物何能移步出 人當問道於大慧禪師夫人疾亟曰妙喜老師此生無 助字松隱官太尉昭信軍節度使紹與問翠華臨幸 程而至夫人已捐館矣公遂館師於光孝寺之東堂

人口可 在前 部 對策上及两官下及閱寺忠慎激烈無所顧避仕至禮 慈 程 漢 典當問靈源明禪即叩宗吉即令看趙州庭前指樹 張九成字子部錢塘人受學楊時之門紹興初以直言 淨慈親虚主席初湖州佛智道容禪師住持建五百羅 |報恩光孝禪寺碑記至今猶存 侍郎贈太師崇國公益文忠早業進士之暇為志釋 殿公為禪師曾撰五百羅漢殿記存寺 班官至内翰林學士紹與初曾寓南屏為撰重建淨 7 武林梵志

聲 忽 玄沙公喾奉祠 有 久無所入謁胡文定公咨盡心行已之道胡告以 孟談仁義處類作一處看則要在其中公禀受其 聞 次不忘一夕如厠思惻隱之心仁之端也正沉黙 蛙撞破虚空共一家正恁麼時能會得顏頭脚痛有 物 格物而不知物格公開之忧如夢覺題於壁日子 一姓鳴不覺舉庭前相樹子養成頌曰春天夜月 妙喜物格欲識一貫兩箇五百公從是參道得法 得請請 徑山問格物之肯妙喜曰公只 将 間 韶

多分四月月月

次記四草全書 · 載庭石歲久雙趺隱然嘗執一 皮獲闕裂亦不易或問子的此是性 至足理會此形骸却費了多少工夫我不被他使且要 用 秦僧和議不合謫居南安談經自若手不停披者十數 無不豁然四達如干門萬戶不消一踏而 E) 使他此等話頭是學道之士修行老僧方會得當讀 邦 在號無垢居士曾感數日凡聞徑山老人所舉因縁 子部日汝且道我用心每日在甚處若一一自 武林梵志 一紙扇過數夏破 即 抑愛惜不肯妄 開公在朝 Цþ 補之 與 頭

子美野色更無山陽斷天光直與水相通忽數日子美 辰下落處又要牽好人入火坑如何里賢於打頭一著 今拜大慧禪師憲曰素不拜僧曰汝姑叩之憲遂舉子 思中庸天命之謂性三句以問慧日凡人不知本命元 于憲侍郎張九成之甥也常隨舅氏自顧下歸淦九成 此詩非特為天光野色凡悟道理透徹處境界皆如此 不鑿破憲曰吾師能為聖賢鑿破否慧曰天命之謂性 便是清淨法身率性之謂道便是圓滿報身脩道之謂

かりひ

1: 7:1

.てハリシーハニー 慧曰今幸私家塵縁都畢望師委曲提警日用當如 曾 狗子遂有省呈偈曰吐這瞎驢聚林妖孽震地一聲 襌 劉安世故立朝大節凛凛遇事敢言紹聖辛未佛海遠 漏洩有人更問道如何拈起拂子為口截又致書大 會出知 州尋號職後復私閣脩撰開當師游 酢友 開字天遊官至禮部付郎春衛主和議開抗疏力 便是千百億化身憲以告舅氏日子拜何辭 師住三衛開日如何是善知識遠日燈龍露柱猫 武林梵志 諍

時 提 都是四库全書 做工夫庶幾不涉他塗徑與本地相界也大慧答書 謂 極 祇呈伎俩有甚了期 做 将去過者不必思量久久自有悟處 時不得忘了須彌山故下著兩則語但從脚下著實 致後訪大慧於洋嶼巷隨衆入室遂留咨参一日慧 刑吴偉明居士久參真敬了禪師得自受用三昧為 **鏇號約齊官直私閣學士曾聞鐘聲悟道偈曰鐘** 曰 不 須呈伎倆直須啐地折曝地斷方敵得生死者 即辭去道次延平後然昇悟 曰

神 冲 慧雲寺 火足四東 全 林布逸字肅翁福清人紹定間進士號屬齊所著有易 擊耳根塞亦內團選去箇賊有人問我解何宗瞬若多 大事幾度編参遭密卷打失鼻孔一朝拈出向冷泉将 云捨林居為阿蘭若夫豈小縁請宗師據曲录林只因 之雲封緑水於南湖祝萬歲如山之毒今有專祠於 面皮不謂馨者奚煩鄭重辭青松於北澗穿幾重出 面門黑後捨定建寺曰慧雲請破卷先禪師開山疏 武林姓志 蒿

講春秋傳老莊列口義考工記解 聞 今 於古薦福張紫嚴於泉大慧皆以元勲大老敬尚其人 信 落處我為此銘來者轉註 句傳所可傳竹溪已序師於聚林末法砥柱我觀其初 有異趣麻矢何疑楞伽 師之得魏公又何遜哉乃為銘曰 挺斷 何聲始得汗去師今何故板鳴不住是聲何 橋 倫禪師塔銘曰昔富鄭公於颗華嚴范文正 何悟無準室中不契何故所 竹溪稿等書行於世 斷 橋 之學不以言 如必有

授凡四登相位端平間召用正人多清之之力累遷太 鄭清之字德源少從樓盼學嘉泰中進士理宗潛邸数 たこうこ 彌 教 傅保定軍節度使封蘇國公益忠定所著有安晚集六 衣 曰 律而得戒定慧無踰淨土一門當擬妙峰善公塔弱 卷公游淨慈寺撰雙井記有勸修淨業文謂不由 誰 西方心法難思維真淨妙明無一絲廣長古語包須 佛 知認 非法非事為透地透天生光輝我識妙峰再 /...... P |指為月非九年面壁老古錐傳付不在鉢與 武林梵志 圭 禪

嬉 都定四年全書 之語真貌古無他奇野鶴同往雲與歸昭琴雖鼓何成 鵦 曾公亮字明仲晉江人嘉祐中拜相封魯國公公亮方 甄龍友字雲卿永嘉人滑稽有辨才西湖作大佛頭贊 云色如黄金面如滿月盡大地人只見一椒 厚莊重沉深周密韓琦為首相每諮訪馬曾丁母憂告 雪肥梅瘦局泉扉無邊春意一枯枝作死生觀真游 在旁知狀惟写碑 有僧元建附舟至錢塘謁天竺大士入門見素衣女

青草堂年九十餘曾氏婦八寺設齊以衣物施之青感 謂 妙 至 蒲童子被髮而來手執梵夾問太尉曰官人何求而得 其意及婦生子青正坐化是知公亮前身為青草堂也 亮至五十七果拜相元達以曾公恩補太師初有僧曰 太尉吕吉甫當注華嚴法界觀暇日遊五臺山見一衣 此太尉曰願見大士皆覺華嚴大教欲望如來發放 日曾舍人五十七入中書上座是年亦受師號後公 解庶幾牋釋流行世間童子曰諸佛妙意簡易明白

灰巴日草 红野

武林梵志

多分口 意迎遠真所謂破碎大道也太尉曰童子貌若此而 殊境界在汝日 從容論道大通當有語曰我不勸你出家學佛只勸你 先是吉甫即杭州大通禪師善本退居龍山吉甫入山 呵前輩乎童子笑曰官人謬矣此間一草一木無非文 如十地 通隐錢塘恬澹好古弗趨祭利梅理俞為道族詩 福修行又曰我只勸你生處放教熟熟處放教生 品釋文不過數紙今時枝蔓注近百卷而里 用觸事不迷此真文殊耳言已忽不見 敢

贯雲石號酸齊生而神彩秀異膂力絕人年十二三時 瀑泉望之可爱即之逾清挹之甘潔 而不厭也當作詩 使健兒驅三馬疾馳輒持槊騰上之越一而跨二 飛來色猶慙久卜隣沼回一水路夢想五天人謝絕空 **猿聲裏生公石莫遣移文怨晚歸酬天竺僧詩曰林表 園草沉冥滿几塵落雲如有待寧謝寄聲頻** 送慈雲懺主曰天竺孱顏暫掩扉講香浮穗上行衣白 曰天聖中聞寧海西湖之上有林君嶄斬有聲若髙峯 武林梵志 圭

多定四月全書 翠蓑聊復藉為茵西風刮夢秋無際夜月生香雪滿身 父曰君欲吾被當賊一詩遂援筆云採得蘆花不完應 過染山樂見漁父織蘆花為被尚其清欲易之以紬漁 疾居江南賣樂錢塘市中跪姓名易冠服人無知者曾 生風觀者辟易及長折節讀書仁宗朝拜翰林學士辭 毛骨已隨天地老聲名不讓古今貧青綾莫為獨為妬 欸 留情釋典臨終作辭世吟曰洞花幽草結良縁被我 乃聲中別有春詩成竟持被去因自號蘆花道人晚

蒙妙喜開示從前記持文字心識計較不得置絲毫許 禪直指本心遂悟昭昭靈靈一著年十八從劉屏山游 在 金城録謂公之學得於道謙禪師公當致書問師云向 棲雲巷其遺跡處 朱熹字元晦婺源人少年不樂讀時文因聽一尊宿談 胸中但以狗子話時時提撕顧投一語警所不逮師 他四十年今日不留生死相海天秋月一 山意其留心舉業搜之篋中惟大慧語録一 般圆江干 一帙而己

**シショ車全書** 

武林梵志

幸へ

金り口 要穿鑿不要去知見不要強承當公於言下有省有人 答曰某二十年不能到無疑之地後忽知非勇猛直前 身心同宴如又當云佛家有三門曰教曰律曰禪禪家 牽超然與道居門掩竹林幽禽鳴山雨餘了此無為法 雨齊居誦經詩日端居獨無事即披釋氏書暫息塵累 便是一刀兩段把這一念提撕狗子話頭不要商量不 有三項曰天台教曰慈恩教曰延壽教延壽教南方無 不立文字直下識心見性律戒甚嚴毫髮不容鼻過数

火之り言 という 門 見識今區區小儒怎生出得他手宜其為他麾下也又 得律的看來佛氏之學與吾儒甚相似如云有物先天 吾儒若見得道理透就自己身心上理會得本領便是 傳其學近禪天台教專理會講解怒恩教亦只是講 日今人多言為事所奪有妨講學此是不能使船嫌 地無形本寂寥能為萬象主不逐四時彫樣落非他物 兼得禪的講說辨訂便是兼得教的動由規矩便是兼 横不是塵山河及大地全露法王身看他是甚麼樣 武林梵志 二九

事 由耳遇富貴就富貴上做工夫遇貧賤就貧賤上做 多牙四月百十十 陸游字務觀仕至華文閣待制封渭南伯孝宗朝南臺 惺今時學者却不如此 瑞巖和尚每日間常自問主人翁惺惺否又自答曰惺 夫語有之假使鐵輪頂上旋定慧圓明終不失世間萬 傳之學可得聞乎師曰既是心傳豈從聞得公領解 顛倒迷妄耽嗜戀著無一不是戲劇真不堪著眼 其恃酒類故因自號曰故翁常問松源嶽禪師云心 也

露滴青松卯塔成遥想再來非四大尚應相見話三生 友友龍門萬似傾翩翩隻影又西行塵侵白拂絕林於 來沒厚策往雙徑受生餘七日跏趺而逝公哭以詩曰 之塔 家别說有談空要眼聽公居鏡湖時有塗毒菜禪師往 放翁大欠修行力未免人間馆別情銘松源崇岳禪師 1, 蹴天駕空駭心眩 口幾度驅車入帝京建僧一 日語師之語峻峭峭峰下臨雲雨如五千似之華 E 如錢塘海門之潮虎豹股栗屋 一例眼雙青今朝始覺禪

灰色四車全書 人

武林梵志

真德秀字景元慶元中進士累官參知政事世稱西山 无震墮如漢軍之戰 昆陽也 欲寡求然後由禪定造智慧具有漸次階級非 謂遺教經以端心正念為首而深言持戒為智慧之本 至謂制心之道如牧牛如御馬不使縱逸去嗔止妄息 先生諡文忠公即相州時潭人為立生祠深於禪學當 圓通第一其日初於開中入流亡所所入既寂動靜 如來地也又云子讀楞嚴經觀世音以聞思修為 謂

生ラビノ

空覺極圓空所空滅生滅既滅寂滅現前若能如是圓 ていりう たきす 赻 相 法 證 無異矣又讀金剛 往 也 了然不生如是漸增 往水而實無往來阿那含名為不來而實無不來盖 則觀世音所謂初於閩中入流亡所者即入流非 則入塵米則返本斯陀含雖能來矣而未能無往 一根則諸根皆脱於一 惟不入亦塵安然常住斯入流矣至於斯陀含名 經至四果乃廢經而數日須吃洹 武林抗志 開所開盡盡聞不住覺所覺空 彈指填編歷三空即與諸 世土 佛 有 БÍТ For

郡 可得 **听含非徒不往而亦無來至阿羅漢則往來意盡無法** ű 甚駭異自是於佛日 丘四月月 基址運竹木聽指呼無敢怠者於是延見一二觀其 守謝朝議時與佛日果禪 與魏了翁俱有游天空詩 為修答書記乃與從客彌 捷徑佛日示以法語八篇 狱则 名雖四果實一法也但歷三空有淡深之異 禪師日益加敬遣其子純粹求 卷八 日語論英發權古商今守 師論道見徒侣指施敏雙

欠足の草を 武林守陳公襄以承大與教二利命宗本圓照禪師擇 居士南渡後所有寺院佛藏經殘失幟印絕施補之足 宋給事中知瀘州馮斌悟心法於大慧果禪師號不動 衣陞高座跏趺説偈而逝 居蘇人擁道遮留又以淨慈堅請移文論道俗曰借 會至癸酉冬十月三日具衣冠望闕再拜已換著僧三 士大夫高僧逸民續廬山蓮社遺風每月建繁念淨土 五千餘卷凡四十八藏又四大部者亦如之所至於賢 武林梵志 師

三年 州 湖 宋丞相喬行簡所居多點洞奇石據湖山之勝後拾以 金り口 岳飛字鹏舉南宋恢復之功裁成而阻於衛至今祖豆 為寺御賜名曰寶 收 常 上生平著作有集其滿江紅 魄激烈千古 為此邦植福不敢久占道俗始 劉彦慕宗徹禪師之道立羅漢 秋之句膾炙人口 Ŀ المالة المرا 奎 游上天竺與李綱 詢 及潭水寒生月 從 院以延供養 俱有詩忠肝 松風

農少鄉東知臨安府至七年罷說友在官等修成淳臨 錢象祖字公相錢塘人寧 宗時問道於保寧全禪師又 ハスコリー ハニリ 潛說友成浮四年以朝散即直文華閣兩折運副除司 少口 參護國此卷 元禪師師曰欲究此事須得心法兩忘乃 安志梵刹多經考據有下天竺詩 可法執表忘幹理亦非悟也公曰纔涉唇吻便落意思 何 日修淨業保寧即湖心寺護國仁王寺在北山 師日本自無瘡勿傷之也公與然有得自左丞相 武林芃志 中

空花太尉就有裏尋無手植水月堪矣眼前見牢獄 李 遊 逐 天堂地獄畢竟是有是無顏曰諸 偈 鄧 水 泛四月分書 於後國築室類蘭若邀達觀量類禪師處之公問曰 远外 端愿兒時在館舍常閱禪書長雖婚宜然篤志祖 隐隐隋提師其歸矣箭浪東馳顏達為發塘 文原字善之巴西人為翰林待制兼國史院編修 日三十 開天堂欲生太尉但了自心自然無惑公回說 八歲情然無知及其有知何異無知滔滔汴 佛向無中說有眼見 道

覺羣迷出方便惹作齒道師南山綠屏慧日其頂自師 趙孟頫字子即宋宗室母丘夫人臨月夢一 哲 之亡山空雲冷師亦不亡空無生滅勒船山阿昭示來 惟 筏易極於弱言為理筌理得言忘有泥言說大道棒若 康莊延祐戊午曾撰石林鞏公塔銘曰佛氏之道非 空非垢非淨是正法宗俗味原本罰唇湯滴不有津 石林師祇園之傑一念昭融萬法了徹本無有法為 武林梵志 一僧 入寝

**灰包四車全事** 

四点

問 浙儒學叩師心要師為說防情復性之古後入翰林遣 重天目中峰之道每受師書必焚香望拜公當提舉江 而生孟頫年甫十二即好寫金剛經與僧語親若眷屬 门 子振攸州人號海栗於書無所不讀中峰有淨土百 **偈子振贊之略云我觀幻住師於幻無所住雖不住** 繪觀佛及中峰像貽淨慈寺 金剛般若大意師答以略義一卷中峰有淨土偈 首公為作一百八赞手書投之有中峰淨土帖又

林 横 澄 黃滑字晉鄉義局人自幼篤學博極草書發為文章 得安稳住 無念亦復無所生皆淨土云何更西方是人見彌陀悉 襟考究天思初詔天下善書僧儒會杭淨慈寺泥金 湖 其實無一字若人於此中一一總無念於無念念佛 四條延祐初進士累官侍請學士諡文獻公於佛典 幻能覺如幻人手拈古佛機數與念珠等寄數面三 不波一 一碧萬頃與柳貫虞集揭奚斯游人號為儒 如

火二少月八百

武林先志

当

尚 壁蘭云 戾 堂 颠 集字 誾 倒 大藏尊經公亦在詔內而公必與僧同餐若別 授 尉宋亡僑 大都儒學教授除國子監的 想要見懸崖撒手時公為元叟端公笑隱訴公悦 不樂甚至掣肘話馬不食而去常為僧題懸崖畫 公撰諸塔銘膾炙人口 妼 伯生宋丞相允文五世孫 姻春風一樣吹託身高處擬 居臨川之崇仁大德初始 有 稿三十卷行於世 其先蜀人父汉宋黄 教 白 何為從渠 至京師 料仕郎十二 以大臣 為治 É) 膊 作

分り口

周

有量

**炎空車全書** 題詠若干首其晦機銘畧曰開佛氏之宗禪者其度 北 其 詩題日邵卷故世稱邵卷先生接方外士必扣擊其説 下人心無智愚賢不肖總出不得這兩箇字嘗為淨慈 疑 為通奉大夫封仁專即公益文晴當開石室書的堯夫 以為聖人之教不明為學者無所底止茍於吾道異端 間簡東嶼海晦機熙撰塔銘平山林撰重脩寺記及 似之間不能深知而欲竊究夫性命之原死生之故 不折而歸之者否其當曰佛以因果二法制服得天 武林梵志 空立

欺我哉 回 決 也 白 仇遠字仁近鐵塘人元初為溧陽州儒學教授工詩文 所著有湛源集行於世南屏諸刹俱有詩 時遊其門者若張羽張翁莫維賢皆有名當時所著 劉辰翁稱其詩通陶章書通顏柳仕至儒學副提舉 珽字廷玉錢塘人博綜經史詩文一主於理業易方 而啟之是以言發意解解很言忘謂之不立文字豈 以悟為則必使自致於思慮之所不及時至機應則 九三日年 白書 聘遂與之絕與中峰禪師善一日會於孝子梅應發家 學鄉賢祠 有山村集遍題諸利批註唐百家諸選洪武初祠於杭 两 朝客交遊趙孟頫才名重當世所南惡其宗室而受元 鄭所南一名思肖連江人以太學上舍應博學宏辭科 元兵南下當叩闕上書元人爭 目之遂變姓名 隱居吴 坐必南向歲時伏將軌望南野哭再拜乃返誓不與 相對無語中峰云所南何不說法思肖日兩眼 武林梵志 型之

書 荒之表以為不忠不孝之勝樣宋社既墟適意緇黃自 兩 我写四月石書 稱 也 田盡抢諸利疾亟時獨其友唐東嶼曰思肖死矣煩為 自赞像日不忠可誅不孝可斬可懸此頭於洪洪荒 眼無法可說棄所居弗居寓城南萬壽覺報二寺有 卷太極祭煉一卷謬餘集 山外野人當著大無上十空經一卷釋氏施食心法 十圖詩一卷 牌位云大宋不忠不孝鄭思肖蓋恨不能死國事 卷文集一卷自叙 百

今 掌受石亦點頭聽雲鶴隨飛蓋湖龍入淨瓶至今花雨 **飲定四車全書** 母 趙 每來此三繞作南謨有六和塔詩 雲藏舍利鞭石起浮圖風鐸時喧寂天燈忽有無沙門 **處長照一燈青大慧塔曰大慧談經地林園即給狐鑿** 張翥字仲舉號蜕卷官翰林學士有徑山二十三題詩 録其二初生嚴曰初地靈奉下重來為講經神應合 抱匿林养間有虎突然至母懼棄於地虎熟視而去 耻字雲翰祥符縣人生有異質稱極時 遭元李兵亂 武林花志 四大

莫 蘇葉作扇為班拂暑其曹相數呼云趙尚書告熱吾輩 任遂 周密字公謹寶祐間為義烏令八元不仕自號泗水潛 稱肯物住大佑國 住持道聨聨以例謫五臺公與聨有道交之親公時在 敢近稍長游郡校屬志讀書當暑夜寢蜜舍厚外採 得憚勞取聞之私喜後至禮部尚書洪武士申淨慈 於回禄且以監守智熱負國稅并擅被剃坐法建及 レス 聯名奏聞上命驛的至京勉勞顧問至再奏對 玄

たこりる かかり 樂廉夫被召至京師肺疾作而卒自號鐵笛道人與南 遊天目山與江上老漁相狎時時唱清江欸乃迴波 楊維楨字亷夫諸暨人泰定間為亦城令棄官將妻子 齊水野語於辛雜志武林舊事諸書行世 詩有園林幾換來風主留得亭前御愛松之句所著有 夫詩極典雅善畫得意軌自題其上曾過南屏小蓬萊 天大人不發也明與天下大定記殺遺逸之士修暴禮 和之當對客云笛有岩山古美海可吸蛟龍可呼非釣 武林梵志 四十九

我予眾咋舌避去高皇帝既都金陵走使聘基基慨然 屏僧釋臻釋現釋信為方外友 劉基字伯温浙之青田人以佐命元勲封誠意伯當元 31 西北光映湖 符所言游上天然有詩云憶昔西湖觀慶雲玉毫貫 不顧口此王氣應在金陵十年後王者起佐之者其 所親日吾然游西湖指且云云者此公也開 江浙儒學副提舉罷歸與魯道原游西湖 水道原旨以為慶雲賦詩基益持杯 有異雲 國 排運 滿

多月口

丹方書

宋漁字景源金華人為國初佐命功臣未出母胎母夢 莹悵夕曛 參龍象窟烟霞久負應糜羣亦松黃石令安在徒倚蓮 動星文燭微早已徵体瑞革命方知佐聖君香火重

異僧手寫華嚴來謂母曰吾乃永明延壽願假一室以

終此卷母夢覺已學士即生因名曰壽後更名源六歲 日記二千餘言九歲能詩入青雜山盡閱鄭氏所者書

大きり日 という 數萬卷其文章如武庫一開干珍萬寶光采爛然有集

武林梵志

尚書大學行義每對太祖語漢武梁武好仙好佛之失 為 祠 智覺禪師手題像赞及為無旨授竹卷渭逆以順德隱 於千嚴長公其寓南屏最久公自構有繼山石室當為 多月日月月日 祖稱之為賢為君子為純臣天下既定凡郊廟山川 十三卷始見太祖即勸不嗜殺人授太子諸王春秋 犯諸大政大合皆所裁定海外諸國朝貢必問安否 人為倫理行事俯仰無處真昭代之真儒也後得法 公單撰塔銘復為同卷簡公撰鐘銘其護教編記 则

寺裏鐘其時復有徐賁字幼文吴郡人洪武初同徵聘 涓禪師善其有寄渭詩云何年慧遠重開社來聽東林 とこうう ときう 姚廣孝自號逃虚老人吳郡相城人家世業醫父名震 為記室亦與渭公為方外友其集自有寄行養詩 張 高政字李迪長洲人洪武初徵聘官户部侍郎至翰林 宗鏡之末光也 國史院編脩當泛西湖舟中有皇南外山詩 羽字來儀尋陽人洪武初後聘官校理與南屏竹卷 武林梵志 五十二

家妙智卷名道行遊學湖海刻意詩文追古作者後以 仕 鄉廣孝初名天禧幼白父曰某不樂為醫但顧積學以 初噫公之偷然物外塵埃軒晃而電露富貴非受記於 弗 王朝顯父母不則從佛為方外之樂耳年十四遂出 祖靖難賓於幕下有功於國官至太子少師賜玉封 好四届在書 御也賜之宫城邦近也衲衣僧帽往來蕭寺無改其 國公文皇勸之蓄髮不從記之居官不就界之章服 山者能勢解其萬一哉洪永聞公會隐南屏天空與

聶大年號東軒臨川人舉 明經為仁和縣學訓導 股教 行世 清透祖芳存翁同卷布古止卷太朴諸老為同參之友 後奉使朝鮮國朝鮮之人雅重之集所著刻為皇華録 至淨慈詩有為爱湖南第一山尋春遠自六橋灣之句 張寧字靖之號芳洲海寧人景泰天順問為給事中當 俱有題詠碑記 かり かん 襟懷坦率有清才文章流麗詩復俊逸而灑翰得李 武林梵志 五

徐 ï 北海遺意誘育士子務盡恩義薦入居翰林修建金宋 部分正月月十 陳基字敬初臨海人受學黃溍官投經筵檢討尋轉 史卒骨游淨慈有雷峰夕照南屏晚鐘二詩 語終日臨別依依似不忍去 煜每從基游基極稱許之一日参方避追於吴門與之 府學教授博雅通經教法嚴整為文有法度士林服 行中書省即中参左鎮将洪武初與淨慈煜上人善 要字大章天台人洪武六年以儒士薦授浙江 杭

次 己口巨 とり 忠肅 宗社我危復安實其規畫為石亨徐有負所踏賜死論 法 卷新鐘之偈序 所著有始豐稿湖上勒石之大多其手筆若本寺止卷 之召入纂脩元史賜蟒龍復任尋為省臣在任凡九年 于謙字是益號節卷杭州人界官兵部尚書土木之難 師先君方外友也昔予彌月時師赴湯餅之會常 祥同巷夷簡與之最善當為平山禪即撰塔銘并同 祠南山三台奉下有謁古春蘭法師塔并序古春 武林梵志

爰賦一 **真香臺下臨風雪涕**夷 曠之羞茲惟内艱家居改葬先極于三台山下而師 摩頂昔憐我銘心更憶師救時慚宰相被誘懼磷緇 先 錢溥字原博華亭人翰林學士至吏部尚書諡文通 多人也天 君不可復作矣感時追傷祇具疏監若級展拜墓下 レス 之頂日此兒他日数時宰相也己而虧勘知學先君 師言警子及登第拜官日恐負師之知言以貽 律以識子之耿耿云維那 11111 正法眼冰盤獨先知 與 拜

盖 次定四車全書 春老為花十二橋聞說樓船醉年少平章獨免紫宸朝 芳草不知 王守仁字伯安號陽明山人餘姚人官至兵部尚書贈 順士午遊淨慈寺寺中有問憑虚而出可職全湖 所云年少平章盖指買似道云 詩倡腰嬌二韻和者百餘皆未穩貼嘉靖間僧法聚號 玉芝海鹽人和云大堤迎接鳳山遙金勒東風細馬嬌 西湖水面凡三十八百畝而裏外六橋於湖上最 埋帝為柳枝猶自學宫腰天空水月三千項 武林光志

詩六首存寺南山有陽明洞以公號名曾建天真精舍 起 於龍山之陽每形於歌咏即今熟賢祠上天竺有二詩 及徐准遂來夜遊發至錢塘謝病寓居湖南淨慈寺成 名移家早定孤山計 云靈驚高林暑氣清竺天石壁雨痕晴客來湖上逢雲 始菲菲又是高秋落木稀天逈樓臺含氣象月明星斗 僧住峰頭話月明世路久知難直道此身那得尚虚 建伯公自鄉舉時讀書南屏後擒宸濠忽傳王師己 種果支养知易成又云春園花竹

火足四車 全事 卧不起久之出見曰海上碧雲起直接天台赤城大奇 道人占 斷南屏景是也間 說時事率鑿鑿副名寔用世 滁 草動息獨憐鳥鵲遠枝飛其恬澹之定養剛大之純操 避光輝間來心地如空水静後天機見隐做深院寂寥 之士樂與之交費文憲宏為相日訪一元於南屏一元 神仙中人往來杭湖間而居南山淨慈寺最久有詩云 亦足髣髴想見矣 一元字太初泰人也善詩有逸才意能超脱望之如 武林梵志 五五

霓成徒居湖與吴充陸崑暨一元結社遊號若溪五隱 大奇絕不交一言文憲益重之後居吳與建業劉麟龍 多雅 至今尸礼之嘉靖初同黄省曾五岳理棹尋返南山下 淨慈寺循宗鏡堂左登絕頂披險探奇各賦五言古風 述為文沉浸聽郁有東漢群深風尤善為記事書纜繩 田 首其所著有田叔禾集西湖遊覧志行世杭士自 汝成字叔未性類敏博學強記流覽百家言覃心作 致兩為督學使者盛有文譽在閩中時尤得士心

欽定四庫全書 王

